



Bwrdd Iechyd Prifysgol Betsi Cadwaladr (BIPBC)
Cofnodion cyfarfod y Bwrdd Iechyd a gafodd ei ffrydio'n fyw'n gyhoeddus
ar 11.3.21 dros Zoom

Yn bresennol:

Mark Polin	Cadeirydd
Louise Brereton	Ysgrifennydd y Bwrdd
Nicky Callow	Aelod Annibynnol ~ Prifysgol
Cheryl Carlisle	Aelod Annibynnol
John Cunliffe	Aelod Annibynnol
Gareth Evans	Cadeirydd Fforwm Gweithwyr Proffesiynol Gofal Iechyd
Sue Green	Cyfarwyddwr Gweithredol Gweithlu a Datblygiad Sefydliadol
Arpan Guha	Cyfarwyddwr Meddygol Gweithredol Dros Dro
Gill Harris	Cyfarwyddwr Gweithredol Nyrsio a Bydwreigiaeth / Dirprwy Brif Weithredwr
Sue Hill	Cyfarwyddwr Gweithredol Cyllid
Jackie Hughes	Aelod Annibynnol
Medwyn Hughes	Aelod Annibynnol
Eifion Jones	Aelod Annibynnol
Lyn Meadows	Aelod Annibynnol
Teresa Owen	Cyfarwyddwr Gweithredol Iechyd Cyhoeddus
Lucy Reid	Is-gadeirydd
Chris Stockport	Cyfarwyddwr Gweithredol Gwasanaethau Cychwynnol a Chymunedol
Adrian Thomas	Cyfarwyddwr Gweithredol Therapiau a Gwyddorau Iechyd
Linda Tomos	Aelod Annibynnol
Jo Whitehead	Prif Weithredwr
Mark Wilkinson	Cyfarwyddwr Gweithredol Cynllunio a Pherfformiad
Ffrancon Williams	Cadeirydd y Grŵp Cyfeirio Rhanddeiliaid

Yn bresennol:

Kate Dunn	Pennaeth Materion Corfforaethol (<i>ar gyfer cofnodion</i>)
Simon Evans-Evans	Cyfarwyddwr Llywodraethu Dros Dro
Lowri Gwyn	Cyfieithydd
Louise Howard-Baker	Cyfarwyddwr Cynorthwyol Rheoli Meddyginiaethau – Dwyrain (<i>rhan o'r cyfarfod</i>)
John Morrell	Uwch Beiriannydd Systemau TGCh (<i>ar gyfer cymorth ffrydio'n fyw</i>)
Berwyn Owen	Prif Fferyllydd (<i>rhan o'r cyfarfod</i>)
Llinos Roberts	Rheolwr Busnes Gweithredol - Swyddfa'r Cadeirydd (<i>ar gyfer cymorth ffrydio'n fyw</i>)
Sally Thomas	Pennaeth Cydraddoldeb, Amrywiaeth a Hawliau Dynol (<i>rhan o'r cyfarfod</i>)

Eitem Agenda	Gweithredu gan
21/31 Sylwadau Agoriadol y Cadeirydd	

21/31.1 Croesawodd y Cadeirydd bawb i'r cyfarfod a oedd yn cael ei ffrydio'n fyw. Cadarnhaodd fod cyfieithu ar y pryd o'r Gymraeg i'r Saesneg ar gael. 21/31.2 Soniodd y Cadeirydd y cytunwyd ar weithredoedd y Cadeirydd fel a ganlyn ers y cyfarfod diwethaf: 1. Caniatáu i Reolwr Hawliadau'r Bwrdd lechyd ddechrau trafodaethau ynghylch setlo hawliad gwerth mawr yn ymwneud ag offthalmoleg 2. Cymeradwyo ailgomisiynu Gwasanaethau Deintyddol Cyffredinol ym Mae Colwyn a Chaernarfon trwy newyddu'r contract presennol 3. Cymeradwyo caffael Contract Gwasanaeth wedi'i Reoli ar gyfer Haematoleg a Cheulo 4. Cymeradwyo Achos Cyfiawnhau Busnes ar gyfer Efelychydd CT Gwasanaethau Canser	
21/32 Adroddiad y Prif Swyddog Gweithredol 21/32.1 Cyflwynodd y Prif Weithredwr ei hadroddiad ysgrifenedig i aelodau. Pwysleisiodd ei diolchgarwch diffuant i staff a phartneriaid am eu hymdrechion parhaus o ran rheoli'r pandemig, ac i gydweithwyr a oedd wedi rhoi croeso mor gynnes iddi yn ystod ei hymweliadau â safleoedd ar draws ardal y Bwrdd lechyd hyd yn hyn.	
21/33 Ymddiheuriadau am Absenoldeb 21/33.1 Dim un wedi'i dderbyn.	
21/34 Datganiadau o Fuddiant 21/34.1 Cafwyd datganiadau o fuddiant mewn perthynas ag eitem 21/48 ar yr agenda (Achos Busnes Chwaraeon Gogledd Cymru) fel a ganlyn: • Eifion Jones fel Is-gadeirydd Cymdeithas Dai Adra a gafodd ei enwi yn y papur fel partner posibl. • Ffrancon Williams fel Is-gadeirydd Cymdeithas Dai Adra a gafodd ei enwi yn y papur fel partner posibl. • Cheryl Carlisle a Medwyn Hughes fel aelodau Cyngor Awdurdod Lleol Conwy ac Gwynedd a fyddai'n cynnal staff ar gyfer y prosiect.	
21/35 Cofnodion Drafft Cyfarfod y Bwrdd lechyd a gynhaliwyd yn gyhoeddus ar 21.1.21 am fanwl-gywirdeb ac adolygu Cofnod Cryno o Weithredoedd 21/35.1 Cymeradwywyd y cofnodion fel cofnod manwl-gywir a rhoddwyd diweddariadau i'r cofnod cryno o weithredoedd.	
21/36 Adroddiadau Sicrwydd Cadeirydd Pwyllgorau a Grwpiau Cyngori	

21/36.1 Er bod yr adroddiadau wedi'u cyflwyno fel eitemau cydsyniad, dywedodd y Cadeirydd y byddai'n awyddus i gynnig y cyfle i Gadeiryddion perthnasol dynnu sylw at unrhyw bwyntiau allweddol.	
21/36.2 Cafodd adroddiad cyfarfod y Cabinet Covid a gynhaliwyd ar 4.2.21 ei nodi.	
21/36.3 Cafodd adroddiad y Cydbwyllgor Archwilio, Ansawdd, Diogelwch a Phrofiad (QSE) a gynhaliwyd ar 24.11.20 ei nodi. Tynnodd sylw Cadeirydd y QSE at y ffaith, er bod cynnydd amlwg wedi'i wneud mewn perthynas â'r rhaglen archwilio clinigol ar draws y Bwrdd Iechyd, fod mwy o waith i'w wneud o ran ymgorffori dysgu. Nododd Cadeirydd y Pwyllgor Digidol a Llywodraethu Gwybodaeth (DIG) fod yr adroddiad yn gofyn i'r Pwyllgor DIG fynd ar drywydd cynnal gofynion GDPR yn ystod Covid, ond nid oedd yn cofio bod yn ymwybodol o'r gofyniad hwn. Byddai'r mater yn cael ei egluro y tu allan i'r cyfarfod. Gofynnodd Cadeirydd y Bwrdd Iechyd p'un a oedd y risg a ddatganwyd ynghylch datblygu Strategaeth Glinigol wedi'i datrys a nododd Cadeirydd y QSE nad oedd hynny wedi digwydd ond gan fod y Cydbwyllgor yn cyfarfod unwaith y flwyddyn yn unig, roedd sgwrs ehangach i'w chael ynghylch ei rôl. Gofynnodd Cadeirydd y Bwrdd Iechyd i'r Prif Weithredwr drefnu sgwrs gydag ef y tu allan i'r cyfarfod yn ymwneud â'r amserlen, gweithgarwch ymgysylltu a'r llwybr ar gyfer datblygu Strategaeth Glinigol.	LB JW
21/36.4 Cafodd adroddiad y Pwyllgor QSE a gynhaliwyd ar 15.1.21 ei nodi. Tynnodd Cadeirydd y QSE sylw at dderbyn adroddiad yn ymwneud ag adolygiad cynhwysfawr o roi'r gweithredoedd ar waith a oedd yn deillio o adroddiad Holden a gyhoeddwyd yn 2013. Pwysleisiodd fod y Pwyllgor QSE wedi dod i'r casgliad bod rhywfaint o'r dysgu wedi'i golli a'i fod wedi cefnogi cynnig ar gyfer proses lywodraethu cryfach yn ymwneud ag olrhain cynlluniau gweithredu o ran yr holl adroddiadau ansawdd arwyddocaol yn y dyfodol ac i sicrhau bod adroddiadau cau i lawr clir yn cael eu darparu lle'r oedd gweithredoedd wedi'u rhoi ar waith. Ychwanegodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr y byddai'r agwedd hon hefyd yn cael ei hadlewyrchu trwy'r elfen iechyd meddwl o ran Ymyrraeth wedi'i Thargedu a'r ymagwedd Matrics Aeddfedrwydd. Roedd Cadeirydd y QSE yn awyddus i gofnodi ei diolchgarwch i'r timau am eu gwaith yn yr adolygiad hwn. Nododd Cadeirydd y Bwrdd Iechyd gyfeiriad at bryderon ynghylch craffu gan y Grŵp Rheoli Risg, a chadarnhaodd Cadeirydd y QSE fod materion wedi gwella ond bod gwaith i'w wneud o hyd.	
21/36.5 Cafodd adroddiad cyfarfodydd y Pwyllgor Cyllid a Pherfformiad (F&P) a gynhaliwyd ar 28.1.21 a 25.2.21 ei nodi.	
21/36.6 Cafodd adroddiad y Pwyllgor Strategaeth, Partneriaethau ac Iechyd y Boblogaeth (SPPH) a gynhaliwyd ar 23.2.21 ei nodi. Roedd Cadeirydd y SPPH yn awyddus i dynnu sylw at weithdy defnyddiol gan y Pwyllgor a gynhaliwyd ar y cynllun 2021-22, ac yn ail, bod y Pwyllgor, wrth ystyried cais i edrych ar ei archwaeth risg fel rhan o bapur Fframwaith Sicrwydd a Chofrestr Risg Gorfforaethol y Bwrdd, wedi teimlo mai tasg a ddylid ei chwblhau ar lefel y Bwrdd oedd hon. Nododd Ysgrifennydd y Bwrdd fod y farn hon yn gyffredin ymysg Pwyllgorau eraill ac y byddai camau'n cael eu cymryd i fynd i'r afael â hyn mewn gweithdy o'r Bwrdd tua diwedd Ebrill. Nododd Cadeirydd y Bwrdd Iechyd gyfeiriad at fonitro Cynlluniau Clwstwr a gofynnodd i'r Cyfarwyddwr perthnasol wneud sylwadau. Soniodd Cyfarwyddwr Gweithredol Gwasanaethau Cychwynnol a Chymunedol fod tystiolaeth i ddangos bod gwaith	

cadarnhaol yn cael ei wneud a bod sgysiau eraill yn parhau ynghylch integreiddio cynlluniau clwstwr i'r cylch cynllunio ehangach. Yn olaf, nododd Cadeirydd y Bwrdd lechyd fod y Pwyllgor wedi cymeradwyo Polisi Dilyniant Busnes diwygiedig. 21/36.7 Cafodd adroddiad y Pwyllgor Tâl a Thelerau Gwasanaeth a gynhaliwyd ar 6.10.20 ei nodi.	
21/37 Deddf lechyd Meddwl 1983 fel y'i diwygiwyd gan Ddeddf lechyd Meddwl 2007. Deddf lechyd Meddwl 1983 Cyfarwyddiadau Clinigwyr Cymeradwy (Cymru) 2008. Diweddaru Cofrestr Meddygon Cymeradwy Adran 12(2) (Cymru Gyfan) a Diweddaru Cofrestr Clinigwyr Cymeradwy (Cymru Gyfan) 21/37.1 Penderfynwyd y byddai'r Bwrdd yn cadarnhau'r rhestr o ychwanegiadau a phethau a ddilëwyd ar Gofrestr Cymru Gyfan o Feddygon Cymeradwy Adran 12(2) ar gyfer Cymru a Chofrestr Cymru Gyfan o Glinigwyr Cymeradwy.	

21/38 Nodyn Briffio am Covid-19

21/38.1 Dangosodd Cyfarwyddwr Gweithredol Gwasanaethau Cychwynnol a Chymunedol sleidiau'r cyflwyniad a oedd yn dangos y canlynol:

- Roedd lefelau cymunedol wedi lleihau ers yr adroddiad diwethaf ac roedd cyfraddau'n gyson ar y cyfan ar draws yr holl ardaloedd Awdurdod Lleol yng Ngogledd Cymru, a oedd yn adlewyrchu effaith y cyfnod clo a buddion cynnar y rhaglen frechu.
- Byddai'n cymryd ychydig yn hirach cyn y gellid gweld effaith hynny ar dderbyniadau ysbyty wythnosol.
- Y ffigur diweddaraf i gleifion mewnol oedd 233 ac roedd y mwyafrif o'r rhain mewn ysbytai cymunedol.
- Adroddwyd cynnydd mawr mewn cleifion mewnol yn Ysbyty Gwynedd (YG) o ganlyniad i'r clwstwr o achosion a ddatganwyd ddiwedd mis Chwefror. Roedd ystod o ymyriadau ar waith ac roedd y sefyllfa'n cael ei monitro'n agos, ac roedd achosion bellach yn gostwng. Roedd arbenigedd ychwanegol o ran atal a rheoli heintiau a chapasiti gofynnol arall wedi'u sicrhau ar gyfer y safle. Roedd ymagwedd 'ffactorau dynol' yn cael ei mabwysiadu er mwyn sicrhau bod arfer gorau'n cael ei ddilyn. Roedd adolygiad allanol o'r clwstwr o achosion yn cael ei gomisiynu.
- Yn gyffredinol, roedd lefelau Covid-19 ymysg staff yn lleihau'n unol â lefelau cymunedol.
- O ran goblygiadau gweithredol, roedd rhywfaint o weithgarwch yn cael ei ailgyflwyno ar safle Ysbyty Maelor Wrecsam, ond, roedd rhywfaint o weithgarwch gofal wedi'i gynllunio wedi'i ohirio yn YG. Roedd ymagwedd frysbenno wedi'i mabwysiadu ar gyfer y cleifion dan sylw.
- Roedd pwysau ar unedau gofal critigol wedi gostwng ryw fymryn ond roedd yr holl gyfleusterau'n parhau i fod yn brysur iawn. Roedd 12 o unigolion yn derbyn gofal critigol ychwanegol mewn ysbytai yn PBC oherwydd Covid-19.
- O ran Profi, Olrhain, Diogelu, roedd capasiti digonol yn parhau i fod ar gael ar draws Gogledd Cymru. Bu lleihad yng nghyfanswm nifer y cysylltiadau positif ond roedd cynnydd yn nifer y cysylltiadau fesul achos positif yn dechrau cael ei weld ac roedd hyn yn cael ei fonitro'n agos. Roedd olrhain cysylltiadau am yn ôl yn ogystal ag olrhain ymlaen hefyd yn cael ei gwblhau. Roedd rhaglen profion llif unfordd i staff hefyd yn parhau.
- O ran y rhaglen frechu o 7.3.21, roedd dros 270,000 o frechiadau wedi'u rhoi gan gynnwys 43,000 o ail ddosiau. Roedd camau wedi'u cymryd i fynd i'r afael â'r lleihad mewn cyflenwadau yn ystod mis Chwefror ac roedd y cyflenwad yn cynyddu bellach. Roedd BIPBC yn parhau i ddilyn y cynllun cenedlaethol o ran cerrig milltir ac roedd yr ymdrechion presennol yn canolbwyntio ar frechu grwpiau blaenoriaeth 5 i 9 erbyn canol mis Ebrill ynghyd â rhoi ail ddosiau. Cafodd aelodau sicrwydd y byddai unrhyw un a gollodd eu cyfle i gael eu brechu pan oedd gweddill eu grŵp blaenoriaeth yn gwneud hynny'n cael eu blaenoriaethu bob amser er mwyn sicrhau na fyddent yn cael eu gadael ar ôl. Yn ogystal, roedd proses chwilio rhagweithiol ar waith i dargedu poblogaethau anodd eu cyrraedd. Roedd y Bwrdd hefyd yn dilyn arweiniad Llywodraeth Cymru (LIC) ar frechu gofalwyr di-dâl cymwys.
- O ran adborth gan y Tîm Rheoli Digwyddiadau Gweithredol (EMIT), roedd papur naratif ar wahân a chafodd y Bwrdd sicrwydd bod unrhyw gynigion yn cynnwys newid sylweddol yn cael eu cefnogi gan asesiadau risg, eu bod wedi'u harwain yn glinigol a'u bod yn cynnwys timau atal heintiau a diogelu, yn ôl yr angen.

21/38.2 Cafwyd trafodaeth ynghylch y clwstwr o achosion yn YG, yn benodol. Cydnabu aelodau'r gofid a'r pryder y byddai cleifion a pherthnasau'n ei deimlo, a pha mor siomedig

ydoedd i'r staff eu hunain. Gofynnwyd p'un a oedd cysylltiad gyda'r cyfraddau trosglwyddo yn y gymuned leol a'r achosion, ac ymrwymodd Cyfarwyddwr Gweithredol Gofal Cychwynnol a Gwasanaethau Cymunedol i weithio gyda chydweithwyr Iechyd Cyhoeddus Cymru (PHW) y tu allan i'r cyfarfod er mwyn dirnad p'un a oedd data'n gallu cadarnhau hyn neu fel arall. Roedd aelodau'n awyddus i ddeall sut roedd y clwstwr o achosion wedi digwydd yn YG os dylai gwersi fod wedi cael eu dysgu o'r clwstwr o achosion yn YMW, pa un a ellid fod wedi'i atal a pha un a oedd o dan reolaeth erbyn hyn. Cadarnhaodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod y Tîm Rheoli Achosion (OCT) ar y safle'n rheoli'r sefyllfa ac roedd nifer o wardiau wedi ailagor dros y deuddydd diwethaf ac roedd yn dal i effeithio ar bedair ward. Teimlai fod hyn yn rhoi lefel o hyder fod y mesurau'n dechrau cael effaith ac y byddai'r adolygiad allanol ymhen amser yn amlinellu dysgu o'r clwstwr o achosion. Roedd yn amhosibl dweud na fyddai clwstwr arall o achosion fyth eto ond cafodd aelodau sicrwydd fod pob ymdrech yn cael ei gwneud i leihau effaith y sefyllfa bresennol yn YG. Ychwanegodd ei bod wedi ymweld â'r safle yn ddiweddar a bod gwahaniaeth amlwg o ran gwelededd rheolau, ac y byddai'n awyddus i ganmol y timau o wirfoddolwyr a'r gweithwyr cefnogi gofal iechyd a oedd yn herio ymwelwyr â'r safle'n drylwyr er mwyn dirnad yr angen iddynt fod yno. Yn ogystal, roedd gofyn i'r holl safleoedd ysbyty ymgymryd â hunanasesiadau'n seiliedig ar ddysgu o glystyrau o achosion eraill, ac roedd y brand Gofal Diogel Glân wedi'i adnewyddu gyda chymorth ychwanegol gan dimau cyfathrebu corfforaethol ac ystadau/cyfleusterau. Roedd y Cyfarwyddwr Meddygol Gweithredol Dros Dro wedi ymweld â safle YG hefyd a nododd y buddion sy'n gysylltiedig ag arweinyddiaeth feddygol weladwy. Cyfeiriodd aelod at yr ymagwedd ffactorau dynol a oedd yn cael ei mabwysiadu ac ymatebodd Cyfarwyddwr Gweithredol Gofal Cychwynnol a Gwasanaethau Cymunedol fod hon, ar y cyfan, yn canolbwyntio ar ymddygiad ac achlysuron lle y gallai prosesau gael eu hosgoi ac y byddai'n fodlon rhannu ychydig o fanylion pellach y tu allan i'r cyfarfod.	CS
21/38.3 Cyfeiriodd Cadeirydd y Pwyllgor QSE at sgysiau yn y QSE ynghylch ymgorffori dysgu a chau pen y mwdwl ar glystyrau o achosion a chroesawodd sicrwydd fod hyn yn cael ei ystyried. Fodd bynnag, roedd Cadeirydd y Bwrdd Iechyd yn cofio sgwrs debyg yn dilyn y clwstwr o achosion yn YMW ac awgrymodd na allai dysgu fod wedi cael ei ymgorffori'n llawn gan fod clwstwr arall o achosion wedi codi yn YG. O ran yr adolygiad allanol, roedd y Prif Weithredwr yn awyddus i roi sicrwydd i aelodau y byddai'n cynnwys, nid yn unig yr amgylchiadau o ran y clwstwr o achosion yn YG ond hefyd wersi a ddysgwyd o'r achosion yn YMW, agweddau ar gyfathrebu a disgwyliadau o ran safleoedd eraill er mwyn sicrhau bod modd cynnal atal a rheoli heintiau. Gofynnodd y Cadeirydd i gylch gorchwyl yr adolygiad gael ei rannu gyda'r holl aelodau.	CS
21/38.4 Cafwyd trafodaeth ynghylch gwasanaethau hanfodol a chydnabu'r Cyfarwyddwr Gweithredol Nyrsio a Bydwreigiaeth / Dirprwy Brif Weithredwr y pryderon yn y boblogaeth leol. Soniodd y byddai EIMT yn ystyried cynnig i ailagor rhai llawdriniaethau dydd hanfodol maes o law. Holodd aelod p'un a oedd safleoedd llym eraill ar gael i dderbyn rhai cleifion o YG a chadarnhawyd bod hyn yn digwydd gyda chytundeb pawb.	JW
21/38.5 Gofynnwyd cwestiwn ynghylch cwblhau ffurflen ar-lein er mwyn caniatáu i ofalwyr di-dâl cymwys dderbyn y brechlyn a chadarnhawyd bod mater hygyrchedd eisoes wedi'i ganfod a bod cydweithwyr Awdurdodau Lleol yn gweithio trwyddo er mwyn darparu cymorth ychwanegol ar gyfer y rheiny yr oedd arnynt ei angen. Holodd aelod ynghylch y sefyllfa yng Ngharchar y Berwyn a soniodd Cyfarwyddwr Gweithredol Gofal Cychwynnol a Gwasanaethau Cymunedol y bu rhywfaint o drosglwyddo haint Covid-19 ar y safle - fel y	

gellid ei ddisgwyl mewn lleoliad o'r fath. Roedd y Bwrdd lechyd yn parhau i fod â chynllun clir ar reoli'r safle ac i roi cymorth i unrhyw unigolion sydd â symptomau. 21/38.6 Cyfeiriodd y Cadeirydd at fater Covid Hir a soniwyd y câi cynnig ei drafod yn y Tîm Gweithredol o ran y cymorth sydd ei angen i gydlyn ymateb, o ystyried y diddordeb cenedlaethol. Nodwyd bod BIPBC wedi gweld llai o gyfeiriadau na'r disgwyl ond bod grŵp o glinigwyr wedi'u sefydlu i leoli'r cyfoeth o arweiniad a oedd yn deillio o'r canol. Yn olaf, cyfeiriodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr at y cynllun brechu a fyddai'n cael ei rannu gydag aelodau'r Bwrdd unwaith yr oedd disgwyliadau ynghylch amserlenni'n galw ar bobl i gael eu brechu wedi cael eu cynnwys. 21/38.7 Penderfynwyd y dylai'r Bwrdd: 1. Nodi'r adroddiad a'r cyflwyniad ategol; 2. Cefnogi penderfyniadau a wneir gan y Tîm Gweithredol Rheoli Digwyddiadau (EIMT).	GH
21/39 Ymyrraeth wedi'i Thargedu a Matricsau Aeddfedrwydd BIPBC 21/39.1 Cyflwynodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr y papur a oedd yn amlinellu'r ymagwedd a oedd yn cael ei datblygu er mwyn caniatáu monitro cynnydd o ran y rhaglen trawsnewid ac i roi sicrwydd cadarn yn erbyn y disgwyliadau a amlinellir yn y Fframwaith Gwella Ymyriadau wedi'u Targedu. Cadarnhaodd, fel Uwch Swyddog Cyfrifol (SRO) ar gyfer y darn hwn o waith, ei bod wedi cyfarfod ag arweinwyr ffrydiau gwaith a chytunodd i bennu cylch gorchwyl ar gyfer y Grŵp Llywio sydd newydd ei sefydlu. Tynnwyd sylw aelodau at yr amserlen yn yr adroddiad a'r cerrig milltir cysylltiedig. Ychwanegodd Ysgrifennydd y Bwrdd fod Aelod Annibynnol 'cyswllt' yn cael ei benodi i roi cymorth o ran pob maes. 21/39.2 Holodd aelod p'un a fyddai staff ar draws y sefydliad yn deall ystyr Ymyrraeth wedi'i Thargedu, a pha un a oedd cynllun cyfathrebu ar waith. Dywedodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod sgwrs gysylltiedig wedi'i chael yn ystod cyfarfod cyntaf y Grŵp Llywio ac roedd gofyn i bob Aelod Gweithredol weithredu mecanwaith rhaeadru gwybodaeth. Gan gydnabod bod ymgysylltu â rhanddeiliaid yn hollbwysig, cadarnhaodd Cyfarwyddwr Llywodraethu Dros Dro ei fod wedi cyflwyno i nifer o gyfarfodydd a bod pecynnau y gallai arweinwyr eu defnyddio i rannu negeseuon allweddol ac i godi ymwybyddiaeth. 21/39.3 Penderfynwyd y dylai'r Bwrdd nodi: 1. y Fframwaith Gwella Ymyriadau wedi'u Targedu ar gyfer BIPBC; 2. y cynnydd a wnaed hyd yma i ddatblygu Matricsau Aeddfedrwydd yn erbyn pob un o'r Meysydd; 3. cynnydd o ran datblygu prosesau llywodraethu a sicrwydd; a'r 4. amserlen.	
21/40 Adroddiad Monitro'r Cynllun Gweithredol 21/40.1 Cyflwynodd Cyfarwyddwr Gweithredol Cynllunio a Pherfformiad y papur a oedd yn adrodd ar gynnydd yn erbyn Ch3 a Ch4 y cynllun a gymeradwywyd gan y Bwrdd, tra'r oedd allbynnau a chanlyniadau wedi'u hadlewyrchu yn yr eitem nesaf ar yr agenda (Adroddiad Ansawdd a Pherfformiad). Tynnodd sylw at ddau faes a oedd naill ai'n goch neu'n ambr. Yn gyntaf, o ran gwasanaethau strôc, cydnabuwyd nad oedd perfformiad ar y lefel y	

byddai'r Bwrdd yn awyddus i'w weld ond bod achos busnes wedi'i gefnogi ar y cyfan gan y Tîm Gweithredol a fyddai'n cael ei ddatblygu ymhellach i'w gyflwyno i'r Pwyllgor Cyllid a Pherfformiad ar 25.3.21. Yn ail, cadarnhaodd Cyfarwyddwr Gweithredol Cynllunio a Pherfformiad fod achos busnes ar gyfer y Ganolfan Driniaeth Ddiagnostig (DTC) ar y trywydd cywir i gael ei ystyried yn y Pwyllgor Cyllid a Pherfformiad ym mis Mawrth a fyddai'n cynnwys opsiynau'n ymwneud ag orthopaedeg. Derbyniodd y risg i berfformiad orthopaedig pe na bai'r DTC yn datblygu yn unol â'r disgwyl.

21/40.2 Cafwyd trafodaeth. Nododd Cadeirydd y Grŵp Cyfeirio Rhanddeiliaid (SRG) fod y SRG wedi derbyn cyflwyniad ar ofal strôc cryn amser yn ôl a'i fod yn falch o glywed bod yr achos busnes yn datblygu. Holodd ynghylch y rhesymau ynghylch perfformiad gwael presennol o ran gofal strôc a nododd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod rhai materion aml-ffactor fel effaith Covid-19 a phroblemau staffio oherwydd adleoli yn ystod y pandemig. Cydnabu'r Cyfarwyddwr Meddygol Gweithredol Dros Dro fod angen gwelliant a bod angen edrych yn agos ar y model clinigol er mwyn sicrhau bod modd cael adenillion clir ar fuddsoddiadau. Gofynnodd Cadeirydd y SRG am sicrwydd pellach ynghylch staffio, adleoli a mynediad i Gydlynwyr Strôc. Byddai Gweithredwyr Clinigol yn rhoi diweddariad ac amserlen i aelodau y tu allan i'r cyfarfod.

GH AG

21/40.3 Awgrymodd aelod ei bod yn fwyfwy clir erbyn hyn nad oedd rhai o'r gweithredoedd fel y manylwyd arnynt yn adroddiad mis Ionawr yn debygol o gael eu cyflawni erbyn diwedd Ch4 a gofynnodd pa bryd y byddai hyn yn cael ei uwchgysylltu i sicrhau bod blaenoriaethau'n glir er mwyn lleihau niwed. Dywedodd Cyfarwyddwr Gweithredol Cynllunio a Pherfformiad y byddai adolygiad systematig o'r holl weithredoedd sy'n agored yn cael ei gynnal fel rhan o'r broses gynllunio ar gyfer 2021-22. Yna, codwyd pwynt ynghylch Cynllun Cyf 2.7 i "datblygu a gweithredu cynlluniau i roi cymorth i gleifion i reoli eu symptomau'n rhagweithiol" a bod y naratif yn cyfeirio at oedi oherwydd capasiti TG. Awgrymodd Cyfarwyddwr Gweithredol Cynllunio a Pherfformiad fod hon yn enghraifft o ble'r oedd materion wedi newid ers cytuno ar y cynllun; rhoddodd yr enghraifft fod gweithredu'r rhaglen frechu torfol wedi effeithio ar y gallu i gyflawni mewn meysydd eraill o safbwynt materion digidol a TG. Cyfeiriodd aelod at Gynllun Cyf 16.00 ynghylch asesiadau a gwella perfformiad yn erbyn y targed o 26 wythnos mewn gwasanaethau plant, a gofynnodd am gadarnhad bod hyn wedi dechrau. Cadarnhaodd Cyfarwyddwr Gweithredol Gofal Cychwynnol a Gwasanaethau Cymunedol mai felly oedd hi a bod capasiti ychwanegol wedi'i sicrhau.

21/40.4 Ail-bwysleisiodd Cadeirydd y QSE sylwadau yr oedd wedi'u gwneud ar achlysuron blaenorol nad oedd yr adroddiad yn rhoi sicrwydd iddi ar gyflwyno'r cynllun yn effeithiol gan nad oedd modd mesur y gweithredoedd, nid oedd unrhyw ganlyniadau i asesu gweithredu'n effeithiol ac nid oedd y naratif yn arbennig o glir. Roedd yn pryderu ei bod yn ymddangos nad oedd adborth tebyg a roddwyd yn flaenorol gan aelodau'r Bwrdd wedi derbyn sylw priodol ac am y rheswm hwnnw, nid oedd yr adroddiad wedi'i graffu'n ffurfiol gan y Pwyllgor QSE am y ddau gyfarfod diwethaf. Mewn ymateb, derbyniodd Cyfarwyddwr Gweithredol Cynllunio a Pherfformiad fod sylwadau wedi'u gwneud gan aelodau'r Bwrdd a nododd fod rhai cynigion yn ymwneud â chyflwyno'r wybodaeth yn wahanol wedi'i chylchredeg ddiwedd 2020. Y cam nesaf fyddai canfod ychydig o amser mewn Gweithdy o'r Bwrdd i lywio'r cynigion hynny ac i'w mireinio ymhellach. Gwnaeth Cyfarwyddwr

Gweithredol Gweithlu a Datblygu Sefydliadol atgoffa aelodau mai adroddiad monitro oedd hwn ac y byddai'r dystiolaeth sicrwydd yn dod o ystod o ffynonellau eraill gan gynnwys Fframwaith Sicrwydd y Bwrdd (BAF). Teimlai y byddai'r sgwrs ynghylch fformat yr adroddiad hefyd yn cael ei gwella trwy adolygu llywodraethu pwyllgorau'n barhaus. Awgrymodd y Cadeirydd y dylai'r uchelgais gynnwys cytuno ar y trefniadau adrodd ar berfformiad newydd yng Ngweithdy'r Bwrdd ar ddiwedd mis Ebrill. Atgoffaodd aelodau nad yng nghyfarfod y Bwrdd oedd yr unig leoliad lle byddai diwydrwydd dyladwy'n cael ei ddefnyddio o ran yr adroddiad hwn.

21/40.5 Cyfeiriodd Cadeirydd y Pwyllgor QSE hefyd at Weithred 2.6 ynghylch adolygu capasiti allanol darparwyr allweddol yr adroddwyd bod hyn bellach wedi'i gwblhau, ond, teimlai nad oedd y naratif ategol yn ymddangos i fod yn ddigon cadarn. Derbyniodd Cyfarwyddwr Gweithredol Cynllunio a Pherfformiad fod diffygion yn y naratif, ond roedd yn ymwybodol bod y tîm contractio'n arwain o ran y weithred benodol hon. Ychwanegodd Cyfarwyddwr Gweithredol Cyllid fod dealltwriaeth glir ynghylch pa gapasiti a oedd ar gael a bod trefniadau contract wedi'u gwneud yn unol â hynny, ond, roedd heriau ynghylch y gallu i ddefnyddio'r capasiti hwnnw yng nghyd-destun Covid-19.

21/40.6 Yna, cyfeiriodd Cadeirydd y Pwyllgor QSE at Weithred 4.30 a soniodd am ymagwedd newydd tuag at Strategaeth Gwasanaethau Clinigol sydd wedi'u Galluogi'n Ddigidol a holodd ynghylch terfynau amser. Cadarnhaodd y Prif Weithredwr fod swyddogion ar hyn o bryd yn cynnal archwiliad stoc o ddulliau ymgysylltu er mwyn edrych ar gyfleoedd ymgysylltu gyda phartneriaid a chan geisio cyngor ar arfer gorau gan Fyrddau Iechyd eraill. Byddai hyn yn helpu i bennu terfyn amser priodol i adnewyddu Byw'n Iach, Aros yn Iach ac i ddatblygu'r strategaeth gwasanaethau clinigol. Gofynnodd Cadeirydd y Pwyllgor QSE am ddiweddariad ynghylch Cynllun Cyf 20.70 yn y papur a oedd yn ymwneud ag adolygu'r mecanwaith codi pryderon gyda dyddiad targed ar ddiwedd mis Ionawr. Esboniodd Cyfarwyddwr Gweithredol Gweithlu a Datblygu Sefydliadol fod statws RAG wedi'i dyfarnu'n wyrdd i ddangos ei fod ar y trywydd cywir heb unrhyw risgiau, yn hytrach na dyfarnu statws porffor (wedi'i roi ar waith) hyd nes bod hwn wedi'i wneud a'i brofi mewn gwirionedd. Cadarnhaodd fod cynllun gweithredu ar waith a bod y llwyfan meddalwedd newydd yn cael ei ddatblygu a'r bwriad oedd ei lansio'n feddal ym mis Ebrill.

21/40.7 Gofynnodd y Cadeirydd am ddiweddariad ar offthalmoleg a chadarnhaodd Cyfarwyddwr Gweithredol Cynllunio a Pherfformiad fod achos busnes gofal llygaid wedi'i adolygu gan Weithredwyr unigol a bod cefnogaeth gadarn tuag ato ond roedd gwaith pellach i'w wneud. Roedd yn hyderus y byddai cynnig yn barod i fynd ag ef yn ffurfiol at y Tîm Gweithredol maes o law. Roedd y cynigion ar gyfer gofal llygaid hefyd wedi'u cynnwys yn y cynlluniau ar gyfer 2021-22 fel defnydd posibl o ddyraniad Llywodraeth Cymru ar gyfer perfformiad gofal wedi'i gynllunio ond roedd angen bod yn hyderus o ran cyfanrwydd yr achos busnes. Ychwanegodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod Llywodraeth Cymru wedi cydnabod yr angen am ymagwedd wahanol ar draws Cymru gyfan tuag at offthalmoleg yn y tymor canolig a'r tymor hwy. Felly bydd angen cysondeb rhwng cynlluniau PBC a chynlluniau Cymru Gyfan er mwyn sicrhau na fydd cyfleoedd yn cael eu colli.

21/40.8 Penderfynwyd y dylai'r Bwrdd lechyd nodi'r adroddiad.	
21/41 Adroddiad Ansawdd a Pherfformiad 21/41.1 Dywedodd y Cadeirydd y byddai'n agor y drafodaeth yn uniongyrchol i gwestiynau gan aelodau. Awgrymodd aelod y gellid gwella'r adroddiad trwy edrych i'r dyfodol i raddau helaethach o ran trywyddion wedi'u cynllunio yn ymwneud â lefel y perfformiad y byddai'r Bwrdd yn awyddus i'w weld. Cytunodd Cyfarwyddwr Gweithredol Cynllunio a Pherfformiad y byddai o gymorth i ddatblygu adrodd ar berfformiad yn hynny o beth. Soniodd aelod arall fod angen gwahaniaethu rhwng mesur 'busnes arferol' a chyflawni gweithredoedd yn unol â chynllun ar gyfer gwella. Gwnaed sylw cyffredinol y dylai'r delweddau yn yr adroddiad adlewyrchu amgylchedd presennol ymbellhau cymdeithasol a defnyddio Cyfarpar Diogelu Personol (PPE). 21/41.2 Mewn ymateb i gwestiwn ynghylch cymariaethau rhestrau aros, nodwyd bod tablau cynghrair wedi'u llunio'n flaenorol ond bod hyn wedi'i gamu i lawr yn ystod y pandemig. Awgrymodd Cyfarwyddwr Gweithredol Cynllunio a Pherfformiad na fyddai BIPBC yn eithriad o ran dirywiad yn ystod y pandemig, ond byddai wedi bod mewn sefyllfa waelach o'r cychwyn cyntaf. Soniodd am yr angen i sicrhau bod yr holl gapasiti sydd ar gael yn cael ei dargedu'n briodol at y rhai sydd â'r angen mwyaf, a fyddai'n gofyn am ddyfarniad clinigol. 21/41.3 Gofynnwyd cwestiwn ynghylch amseroedd aros diagnostig a'r rheswm pam roedd y data'n dangos gostyngiad ym mis Rhagfyr 2020. Roedd pryder nad oedd pobl yn cael eu cyfeirio a fyddai'n achosi problem fwy arwyddocaol yn y dyfodol. Esboniwyd bod data'n cael ei gyflwyno'n wahanol erbyn hyn oherwydd haenu risg a symud oddi wrth drin cleifion yn nhrefn gronolegol, ac er bod lleihad mewn cyfeiriadau, roedd y sail resymegol dros y gostyngiad ym mis Rhagfyr yn aneglur a byddai'n cael ei adolygu y tu allan i'r cyfarfod. Ychwanegodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr fod gwelliannau posibl i gapasiti theatrau yn cael eu canfod ynghyd â model mwy cyfunol a defnyddio ffynonellau mewnol ar gyfer diagnosteg. 21/41.4 Cyfeiriodd y Cadeirydd at ofal heb ei drefnu, gan nodi bod llawer o ddangosyddion yn dirywio. Roedd y Tîm Gweithredol wedi trafod cynnig gwella a byddai angen iddo fynd i'r afael â'r system gyfan ac ystyried cyfanrwydd llwybrau. Byddai datblygu'r Ganolfan Driniaeth Ddiagnostig hefyd yn hollbwysig. 21/41.5 Penderfynwyd y dylai'r Bwrdd lechyd graffu ar yr adroddiad.	MW GH MW
21/42 Adroddiad Cyllid M8 21/42.1 Penderfynwyd y dylid nodi'r adroddiad.	
21/43 Adroddiad Cyllid M9 21/43.1 Penderfynwyd y dylai nodi'r adroddiad.	
21/44 Adroddiad Cyllid M10	

21/44.1 Cyflwynodd Cyfarwyddwr Gweithredol Cyllid yr adroddiad gan dynnu sylw at y cydestun bod y Bwrdd lechyd wedi pennu cynllun ar gyfer diffyg o £40m ond ym mis Tachwedd 2020, cyhoeddodd y Gweinidog gymorth strategol o £51m ar gyfer 2020-21 a oedd bellach yn galluogi'r Bwrdd i adrodd ar sefyllfa o adennill costau. Y pwynt arwyddocaol arall i'w nodi oedd y gwariant a gododd i ymateb i Covid-19 a bod y cymorth ychwanegol gan Lywodraeth Cymru yn golygu nad oedd hyn yn effeithio ar y sefyllfa a adroddwyd arni gan y Bwrdd. Roedd £88m wedi'u derbyn hyd yma a 151.4m oedd yr alldro disgwyliedig ar gyfer gwariant Covid. O ran y rhaglen arbedion, roedd £13.7m wedi'u cyflawni yn erbyn y targed o £45m gyda rhagolwg ar hyn o bryd o £17m, a chydabuwyd bod y pandemig Covid wedi effeithio'n sylweddol ar allu'r Bwrdd i gyflwyno ei raglen arbedion. Soniodd y Cyfarwyddwr Gweithredol Cyllid fod comisiynu contractau hefyd yn cael ei reoli'n ofalus o ystyried bod cytundeb bloc ar waith. 21/44.2 Cyfeiriodd y Cadeirydd at sgwrs yn y Pwyllgor Cyllid a Pherfformiad ynghylch cynlluniau ar gyfer perfformiad cyllid a chadarnhaodd y Cyfarwyddwr Gweithredol Cyllid fod sgysiau wedi'u cynnal yn ddiweddar gyda Llywodraeth Cymru er mwyn sicrhau y gallai'r Bwrdd wneud popeth o fewn ei allu i ddefnyddio'r cyllid a dderbyniodd yn ystod y flwyddyn i gynorthwyo'r ymateb i Covid-19 a gwella perfformiad. Roedd disgwyl i lythyr gan Swyddog Atebol gael ei anfon i Lywodraeth Cymru er mwyn sicrhau eglurder o ran sut byddai'r arian yn cael ei wario ac unrhyw risgiau. Gwnaeth y Cadeirydd atgoffa aelodau y byddai'r cynllun a'r gyllideb yn dod gerbron cyfarfod y Bwrdd ar 30.3.21. 21/44.3 Penderfynwyd y dylai nodi'r adroddiad.	
21/46 Buddsoddi a Gwella Safonau'r Gymraeg <i>[Newidiwyd trefn yr Agenda ar benderfyniad y cadeirydd]</i> 21/46.1 Cyflwynodd Cyfarwyddwr Gweithredol lechyd Cyhoeddus y papur a oedd yn rhoi diweddariad pellach ar barodrwydd a chydymffurfiaeth â Safonau'r Gymraeg, ynghyd ag unrhyw heriau cysylltiedig. Soniodd fod y gwaith yn cael ei arolygu gan Grŵp Monitro Safonau'r Gymraeg gyda chymorth Swyddog Cydymffurfio ac roedd llawer o enghreifftiau o gynnydd cadarnhaol dros y ddwy flynedd diwethaf. Teimlai Cyfarwyddwr Gweithredol lechyd Cyhoeddus fod un o'r prif heriau'n cynnwys cyflawni prif ffrydio a pherchnogaeth ehangach mewn perthynas â defnyddio'r Safonau mewn ffordd gadarnhaol i wella gwasanaethau a dwyieithrwydd, ac i wella cymhwysu'r Safonau o ran agenda cynllunio'r Bwrdd. 21/46.2 O ran llwyddiannau, cyfeiriodd Cyfarwyddwr Gweithredol lechyd Meddwl at gynllun peilot yn yr Uwch Adran lechyd Meddwl ac Anableddau Dysgu ynghylch sicrhau cynnig rhagweithiol o ran dewis iaith; cynnydd yn y galw am hyfforddiant Cymraeg ymysg staff; a gwella dwyieithrwydd ym mhapurau'r Bwrdd. 21/46.3 Cafwyd trafodaeth. Croesawodd aelod yr adroddiad a chydabu'r dystiolaeth o gynnydd ond awgrymodd nad oedd yn eglur beth arall yr oedd angen i'r Bwrdd ei wneud er mwyn sicrhau cydymffurfiaeth, yn enwedig o ran Safon 37 a pha adnoddau a allai fod eu hangen. Nododd fod Cyfarwyddwr Gweithredol lechyd Cyhoeddus fod cynnydd wedi bod yn y galw am gyfieithu ac roedd hi'n teimlo bod hyn yn arwydd cadarnhaol o newid o ran ymagwedd. Awgrymodd fod angen monitro hyn er mwyn dirnad p'un ai newid dros dro oedd hyn, a pha un a allai'r tîm cyfieithu barhau i ateb y galw, ynghyd â'r capasiti allanol ychwanegol a oedd wedi'i gaffael hefyd. Yn ogystal, byddai'n awyddus i fesur p'un a oedd	

cyfieithu papurau'r Bwrdd o gymorth ac i geisio dirnad p'un a oedd yn gwneud gwahaniaeth cadarnhaol. Awgrymodd y dylid defnyddio'r chwech i naw mis nesaf er mwyn cynnal ymwybyddiaeth o'r Safonau ac i ganfod p'un a yw'r hyn y mae'r Bwrdd yn ei wneud yn gwneud gwahaniaeth o ran cyfathrebu â'r boblogaeth. Estynnwyd gwahoddiad i unrhyw aelod o'r Bwrdd ddod i Fforwm Strategol y Gymraeg. Holodd aelod ynghylch barn Comisiynydd y Gymraeg o ran sut hwyl roedd y sefydliad yn ei gael ar bethau, ac roedd Cyfarwyddwr Gweithredol Iechyd Cyhoeddus yn ymwybodol bod disgwyl i'r Comisiynydd gyfarfod â'r Prif Weithredwr maes o law a fyddai'n caniatáu rhannu tystiolaeth o gynnydd. Fodd bynnag, roedd yn debygol y byddai'r Comisiynydd yn parhau i herio'r sefydliad ar y gwaith sy'n weddill er mwyn cydymffurfio â llawn.

21/46.4 Croesawodd aelod arall y lefel gynyddol o ddwyieithrwydd ym mhapurau'r Bwrdd ac aeth yn ei blaen i ofyn am ba effaith yr oedd swydd wag Tiwtor y Gymraeg wedi'i chael. Awgrymodd, pe bai cyllid canolog ar gyfer y swydd hon yn dod i ben, y dylai'r Bwrdd ystyried dewisiadau amgen. Tynnodd sylw Cyfarwyddwr Gweithredol Iechyd Cyhoeddus at y gwahaniaeth cadarnhaol yr oedd y Tiwtor wedi'i wneud ar draws y Bwrdd o ran gwella dysgu ar bob lefel, ac roedd yn falch o gadarnhau bod disgwyl i Diwtor newydd ddechrau cyn pen deufis ac y byddai'n adeiladu ar waith ardderchog y rhagflaenydd.

21/46.5 Roedd yr Aelod Annibynnol sy'n Bencampwr y Gymraeg yn awyddus i gydnabod y flaenoriaeth yr oedd Cadeirydd y Bwrdd Iechyd yn ei rhoi i faterion yn ymwneud â'r Gymraeg ac roedd yn teimlo bod hyn yn hynod werthfawr. Nododd hefyd fod yr adroddiad wedi datgan bod y Comisiynydd wedi amlygu BIPBC fel enghraifft o arfer da o ran y ffordd yr oedd yn cynllunio ei wasanaethau. Gofynnodd y Cadeirydd i'r Bwrdd fod yn ymwybodol o unrhyw newidiadau sylweddol mewn amgylchiadau, yn enwedig capasiti, o ran cydymffurfiaeth y Bwrdd â'r Safonau.

21/46.6 Penderfynwyd y dylai'r Bwrdd nodi sefyllfa bresennol y Bwrdd Iechyd mewn perthynas â chydymffurfio â Safonau'r Gymraeg a chyfleoedd posibl yn y dyfodol.

21/45 Adroddiad Blynyddol Rheoli Meddyginiaethau

[Ymunodd y Prif Fferylllydd a Chyfarwyddwr Cynorthwyol Rheoli Meddyginiaethau (Dwyrain) â'r cyfarfod]

21/45.1 Cyflwynodd y Prif Fferylllydd yr adroddiad a oedd yn cynnwys adolygu perfformiad rhagnodi yng Nghymru yn fras; tueddiadau rhagnodi mewn ysbytai, cartrefi gofal a gofal cychwynnol; a chyffuriau cost fawr sy'n gysylltiedig â thriniaethau NICE newydd. Tynnodd sylw at y ffaith fod y prif feysydd gwaith yn ystod 2020-21 yn cynnwys gwaith i safoni system rhagnodi electronig a'r ymateb i bandemig Covid-19 gan gynnwys presgripsiynau diwedd oes, gofal critigol, newid polisi, cynnal gwasanaethau gofal cychwynnol a'r rhaglen frechu.

21/45.2 Cafwyd trafodaeth. Cyfeiriodd Cadeirydd y Fforwm Gweithwyr Gofal Iechyd Proffesiynol (HPF) at duedd ar i fyny ar y cyfan o ran dangosyddion diogelwch cleifion a bod y naratif yn dangos cymhelliant yn y DU i leihau niferoedd a oedd hefyd yn alinio ag argymhelliad yn adroddiad HASCAS. Nododd Cyfarwyddwr Cynorthwyol Rheoli Meddyginiaethau fod poblogaeth gymharol oedranus eithaf sylweddol a rhai cartrefi gofal Henoed Eiddil eu Meddwl (EMI) yng Ngogledd Cymru a allai wyro'r data i ryw raddau. Roedd offeryn penderfynu i gynorthwyo meddygon teulu wedi'i ddatblygu ond oherwydd lefel y gweithio o bell, nid oedd digon o gyfle wedi codi ar hyn o bryd i archwilio i ba lefel yr

oedd yn cael ei ddefnyddio. Roedd hefyd yn ymwybodol o ddiffyg capasiti fferyllol mewn gwasanaethau iechyd meddwl a bod cyfleoedd eraill yn cael eu hystyried i roi mwy o gymorth i gartrefi gofal. Gofynnodd Cadeirydd yr HPF am ddiweddariad hefyd ar gaffael ac oedi posibl yn y gadwyn gyflenwi oherwydd ymadael â'r UE a pha un a oedd risg yn parhau. Cydnabu'r Prif Fferylllydd heriau ac ansefydlogrwydd yn y gadwyn gyflenwi (yn enwedig mewn gofal critigol) yn ystod ton gyntaf y pandemig, ochr yn ochr â materion yn ymwneud ag Ymadael â'r UE. Cafodd hyn ei liniaru trwy gymorth cydfuddiannol yn genedlaethol. Yn ystod y don ddilynol, roedd lleoli deunyddiau fferyllol bellach yn fwy cadarn ond roedd dal rhai meysydd i weithio arnynt fel deunyddiau'n darford wrth eu cludo. Fodd bynnag, ar y cyfan, teimlai fod cadwyni cyflenwi'n sefydlog ar hyn o bryd ac nad oedd unrhyw bryderon arwyddocaol.

21/45.3 Roedd yr Is-gadeirydd yn awyddus i gofnodi ei diolchgarwch i gydweithwyr ym maes rheoli meddyginiaethau o ran eu cymorth gyda'r ymateb i Covid-19. Aeth yn ei blaen i ddisgrifio ei siom gyda'r cynnydd araf o ran datblygu system rhagnodi electronig i Gymru yr oedd Llywodraeth Cymru wedi tynnu sylw ati fel blaenoriaeth allweddol ryw chwe blynedd yn ôl. Holodd p'un a fyddai'r papur y cyfeirir ato yn y cynnig yn cwmpasu gofal cychwynnol hefyd. Ymatebodd y Prif Fferylllydd fod achos busnes wedi'i gyflwyno i Lywodraeth Cymru a'u cyngor nhw oedd cadw rhagnodi electronig a gweinyddu meddyginiaethau ar wahân i newid system fferylliaeth ysbyty. Felly, roedd ymagwedd dau gam yn cael ei mabwysiadu o ran newid y system fferylliaeth ysbyty yn y gwanwyn gyda chefnogaeth Gwasanaeth Gwybodeg GIG Cymru (NWIS) i gael ei rhoi ar waith yn llawn erbyn yr haf pan fyddai'r system etifeddol yn cael ei diffodd. Yna, byddai hyn yn galluogi systemau eraill. Soniodd y cytunwyd erbyn hyn y gallai Caerdydd a'r Fro ddatblygu un datrysiad caffael i Gymru a oedd yn caniatáu ei roi ar waith yn lleol. Mewn ymateb i gwestiwn gan aelod, cadarnhaodd y Prif Fferylllydd fod PBC yn gweithio'n agos gyda Chaerdydd a'r Fro o ran manyleb y system electronig newydd.

21/45.4 Roedd y Prif Weithredwr yn awyddus i ychwanegu ei diolchgarwch am gymorth y timau fferylliaeth a rheoli meddyginiaethau o ran y rhaglen frechu a pharatoadau ar gyfer Covid-19. Nododd ei bod wedi ymweld â Charchar y Berwyn yn ddiweddar a'i bod yn awyddus i gofnodi faint o argraff yr oedd darpariaeth gwasanaeth fferyllol yn y lleoliad hwnnw wedi gwneud arni. Cyfeiriodd y Cadeirydd at golli ffocws ym maes rhagnodi gofal cychwynnol a gofynnodd p'un a oedd hyn yn peri pryder sylweddol. Ymatebodd y Prif Fferylllydd fod y ffocws o fewn gofal cychwynnol wedi'i alinio, wrth reswm, â'r pandemig, ond roedd yn hyderus ein bod bellach yn barod i symud at sefyllfa lle y gallem ymateb i Covid-19 ochr yn ochr â chynorthwyo gofal cychwynnol mewn ffyrdd eraill. Cyfeiriodd at fodelu ymgysylltu â chlystyrau, gan reoli eiddilwch a rhoi cymorth i bobl mewn cymunedau. Gofynnodd y Cadeirydd am sicrwydd hefyd ynghylch meysydd perfformiad gwael o ran dangosyddion diogelwch cleifion a soniodd Cyfarwyddwr Cynorthwyol Rheoli Meddyginiaethau fod trafodaethau gyda NWIS er mwyn caniatáu i feddygon teulu lunio adroddiadau eithrio yn erbyn eu cleifion wedi'u gohirio ond y byddai angen mynd i'r afael â hyn eto.

21/45.5 Caeodd y Cadeirydd trwy ddweud bod yr adroddiad yn dangos yr hyblygrwydd a'r arloesi a ddangoswyd gan y timau fferyllol a rheoli meddyginiaethau yn ystod blwyddyn anodd, a theimlai fod y cynnydd mewn darparu Gofal yn y Cartref o 151% ers 2013 i'w ganmol. Ar fater arall, roedd hefyd yn awyddus i ddiolch i'r Prif Fferylllydd am gyfweiliadau yr oedd wedi'u cynnal yn Gymraeg fel un o gynrychiolwyr y Bwrdd.

21/45.6 Penderfynwyd y dylai'r Bwrdd nodi:

1. Y camau i wella perfformiad a chynnydd BIPBC yn Nangosyddion Rhagnodi Grŵp Strategaeth Meddyginiaethau Cymru Gyfan (AWMSG).
2. Tuedd rhagnodi gofal eilaidd
3. Camau a gymerwyd gan Fferylliaeth a Rheoli Meddyginiaethau i gynorthwyo'r ymateb i'r pandemig COVID a'r rhaglen frechu.

[Gadawodd y Prif Fferyllydd a Chyfarwyddwr Cynorthwyol Rheoli Meddyginiaethau (Dwyrain) y cyfarfod]

21/47 Dirwyn HASCAS a Grŵp Gwella Ockenden i ben

21/47.1 Cyflwynodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr y papur a oedd yn darparu diweddariad statws yn erbyn y 35 o argymhellion a oedd yn deillio o Ymchwiliad Annibynnol HASCAS ac adolygiad Llywodraethu Ockenden. Teimlai fod yr adroddiad yn dangos cryn dipyn o gynnydd a chadarnhaodd fod y Pwyllgor QSE wedi cymeradwyo ym mis Ionawr 2021 y dylai'r Grŵp Gwella gael ei gamu i lawr ar y sail y byddai'r gwaith parhaus i fynd i'r afael â'r argymhellion agored yn datblygu fel busnes arferol trwy fforymau perthnasol, yn cael ei arolygu a'i fonitro trwy'r prosesu llywodraethu presennol. Roedd Cadeirydd y Pwyllgor QSE yn awyddus i roi sicrwydd i'r Bwrdd na fwriadwyd i ddirwyn y Grŵp Gwella i ben arwain mewn unrhyw ffordd at dynnu'r ffocws neu'r angen oddi ar roi'r argymhellion sy'n weddill ar waith, ond y bwriad oedd prif ffrydio'r camau gweithredu mewn ffordd fwy cynaliadwy.

21/47.2 Diolchwyd i'r Cyngor Iechyd Cymuned am eu cyfraniad at y Grŵp Gwella a'u cymorth i ddarparu cyfleoedd i ymgysylltu mewn mannau diogel. Yn ogystal, roedd y Cadeirydd yn awyddus i gydnabod y rôl bwysig yr oedd cleifion a theuluoedd wedi'i chyflawni yn y Grŵp Gwella.

21/47.3 Caeodd Cyfarwyddwr Gweithredol Nyrsio a Bydwreigiaeth / Dirprwy Brif Weithredwr trwy atgoffa'r Bwrdd fod ymgysylltu, llywodraethu a gwasanaethau iechyd meddwl yn parhau i fod yn destun Ymyrraeth wedi'i Thargedu gan Lywodraeth Cymru trwy'r ymagwedd Matrics Aeddfedrwydd dan arweiniad Gweithredwyr fel y'i hamlinellir yn yr eitem gynharach ar yr agenda.

21.47.4 Penderfynwyd y dylai'r Bwrdd nodi:

1. Statws presennol 35 o argymhellion HASCAS ac Ockenden
2. Cadarnhau'r trefniadau llywodraethu trwy'r llwybrau sicrhau ansawdd presennol yn dilyn dirwyn HASCAS a Grŵp Gwella Ockenden i ben
3. Cynlluniau ymgysylltu â rhanddeiliaid ar draws gwasanaethau Iechyd Meddwl ac Anableddau Dysgu (MHLDD) ehangach ar draws y Bwrdd Iechyd

21/48 Nodyn Briffio ar y Ddyletswydd Economaidd-gymdeithasol

[Ymunodd Pennaeth Cydraddoldeb, Amrywiaeth a Hawliau Dynol â'r cyfarfod]

21/48.1 Cyflwynodd Cyfarwyddwr Gweithredol Gweithlu a Datblygu Sefydliadol yr adroddiad a oedd yn amlinellu gofyniad statudol y Ddyletswydd Economaidd-gymdeithasol (SED) o ran y cyfrifoldeb cyfreithiol ar gyrff perthnasol wrth wneud penderfyniadau strategol i gael ystyriaeth briodol o ran yr angen i leihau anghydraddoldeb canlyniadau sy'n deillio o anfantais economaidd-gymdeithasol. Gofynnodd y papur am gymeradwyaeth i ddiwygio cylch gorchwyl y Pwyllgor i adlewyrchu'r SED ond nodwyd bod y cyfrifoldebau'n ehangach o lawer ac y byddant yn cael eu hamlinellu'n fanylach yn sesiwn Gweithdy'r Bwrdd gydag

aelodau ar 8.4.21. Tynnodd Pennaeth Cydraddoldeb, Amrywiaeth a Hawliau Dynol sylw at gwmpas y gwaith a oedd yn arwyddocaol ac yn berthnasol i'r holl swyddogaethau, a bod Llywodraeth Cymru wedi cyhoeddi cyfres o arweiniad defnyddiol. 21/48.2 Croesawodd y Prif Weithredwr y SED fel cyfle i wella dyheadau ar draws y sefydliad ac fel galluogydd i wella iechyd a lles. Roedd aelod yn awyddus i gydnabod lefel y gwaith paratoi a wnaed hyd yma a datblygu adnoddau ar fewnwyd PBC. 21/48.3 Penderfynwyd y dylai'r Bwrdd: 1. Nodi'r cynnydd a amlinellwyd yn yr adroddiad hwn 2. Cymeradwyo'r argymhellid y dylai cylch gorchwyl Pwyllgorau'r Bwrdd gael ei ddiweddarau i adlewyrchu gofynion Deddf Cydraddoldeb 2010 gan gynnwys y Ddyletswydd Economaidd-gymdeithasol <i>[Gadawodd Pennaeth Cydraddoldeb, Amrywiaeth a Hawliau Dynol y cyfarfod]</i>	
21/49 Achos Busnes Chwaraeon Gogledd Cymru (SNW) 21/49.1 Gwnaeth yr aelodau hynny a oedd wedi datgan buddiant adael y cyfarfod. Cyflwynodd Cyfarwyddwr Gweithredol Iechyd Cyhoeddus y papur a oedd wedi cael ei gefnogi yn y Pwyllgor SPPH. Pwysleisiodd yr uchelgais gyfunol i gydweithio er mwyn gwneud newid ac effaith sylweddol a fyddai'n fuddiol i bobl Gogledd Cymru trwy rymuso cymunedau i fod yn fwy egniol, gan fyw bywydau iachach a hapusach. Soniwyd bod y Bwrdd Iechyd wedi bod yn rhan o daith SNW ers 2019 a chroesawodd Cyfarwyddwr Gweithredol Iechyd Cyhoeddus yr achos busnes fel un arloesol ac yn gyfle i ddod â chyllid i Ogledd Cymru. 21/49.2 Cafwyd trafodaeth. Roedd aelodau'n falch o weld yr ymagwedd ranbarthol a oedd yn amlwg yn yr achos busnes a gwnaethant gydnabod bod chwaraeon a gweithgarwch corfforol yn agwedd hollbwysig ar atal, adsefydlu ac ansawdd bywyd. Nododd aelod fod y papur yn cyfeirio at ffocws ar ganlyniadau, nid allbynnau, ac awgrymodd fod Canolfannau Hamdden, yn aml, yn dibynnu ar ymwelwyr fel mesur, ond y byddai angen ffyrdd eraill o fesur canlyniadau. Derbyniodd Cyfarwyddwr Gweithredol Iechyd Cyhoeddus y byddai angen ymagwedd ehangach o ran meithrin a chefnogi gweithgarwch corfforol. Gwnaeth aelod gefnogi'r cyfleoedd i weithio mewn partneriaeth y byddai'r achos busnes yn eu cynnig. Nododd fod ymrwymiad cyllido am bum mlynedd ond mynegodd bryder y gallai rhai partneriaid fod o dan fwy o bwysau ar ôl y pandemig. Cydnabu Cyfarwyddwr Gweithredol Iechyd Cyhoeddus fod rhywfaint o wendid yn y sector hamdden ond bod llawer o gyfleoedd i adfywio hefyd. Derbyniodd y pwynt ond teimlai fod gweithio gyda phartneriaid yn gwneud yr achos busnes yn gryfach o lawer. 21/49.3 Penderfynwyd y dylai'r Bwrdd Iechyd: 1. Cefnogi sefydlu Partneriaeth Chwaraeon Gogledd Cymru (SNW). 2. Cytuno y dylai Bwrdd Iechyd Prifysgol Betsi Cadwaladr ddod yn bartner ym Mhartneriaeth Chwaraeon Gogledd Cymru (SNW). 21/49.4 Gwnaeth yr aelodau hynny a oedd wedi datgan buddiant ail-ymuno â'r cyfarfod.	
21/50 Diweddariad ar roi Rheoliadau Mangreoedd a Cherbydau Di-fwg (Cymru) 2020 ar waith	

21/50.1 Penderfynwyd y dylai'r Bwrdd nodi'r camau gweithredu sy'n cael eu cymryd i ategu at gyflwyno'r Rheoliadau Di-fwg (gan gynnwys y penderfyniad i beidio â darparu manau ysmygu dynodedig ar diroedd ysbyty, er mwyn sicrhau bod yr holl safleoedd ysbyty'n dod yn rhai di-fwg)	
21/51 Crynodeb o fusnes Preifat y Bwrdd i adrodd arno'n gyhoeddus 21/51.1 Penderfynwyd y dylid nodi'r adroddiad	
21/52 Dyddiad y Cyfarfod Nesaf 30 Mawrth 2021	
21/53 Heb y Wasg a'r Cyhoedd 21/53.1 Penderfynwyd bod cynrychiolwyr o'r wasg ac aelodau eraill o'r cyhoedd i gael eu heithrio o weddill y cyfarfod hwn yng ngoleuni natur gyfrinachol y materion sydd i'w trafod, y byddai cyhoeddusrwydd arnynt yn niweidiol i fuddiant y cyhoedd yn unol ag Adran 1 (2) Y Ddeddf Cyrff Cyhoeddus (Derbyn i Gyfarfodydd) 1960	